



Die WAPAD

STUDENTEBLAD

van die

P.U. vir C.H.O.

Deel VIII.

24 September, 1953.

No. 8.

TIEN NUWE S.R.-LEDE Interessantste Massa in Jare

Van die veertien pas verkose studenteraadslede het slegs vier vorige ondervinding op die studenteraad. Drie van hierdie lede dien vir die tweede keer op die S.R. en een vir die derde agtereenvolgende jaar. Van die veertien lede is vyf teologiese studente, een 'n Honneurs B.Sc.-student, twee B.A.-Regte-studente, een 'n student in Liggaaamlike-opvoeding, een 'n B.Comm-student en vier B.A.-studente.

Die voorsitter, Mr. J. Visser, dien vir sy tweede jaar op die Studenteraad. Hy is 'n student in die teologie. Mr. P. J. Pelser wat tot Onder-voorsitter verkieks is was reeds in 1952 sekretaris van die Studenteraad. Die huidige sekretaris, Mr. J. C. Potgieter was voorheen sekretaris van die hoofbestuur van die A.S.B. en is tans president van hierdie liggaam. Mr. J. H. van Niekerk wat tot penningmeester verkieks is het hom reeds onderskei as een van die knapste penningmeesters op verenigings waarop hy voorheen gedien het.

Interessantste Massa Dusver.

Die laaste massavergadering wat onder die regime van die S.R. van 1953 gehou is was een van die interessantste in jare. Nadat die voorsitter, Mr. V. E. d'Assonville sy jaarverslag gelewer het, het Mr. F. N. Lion-Cachet 'n mosie ingedien waarin hy die steun van die massa gevra het om die Minister van Binnelandse Sake in sy veldtog teen pornografie te sterk. Die mosie was geskondeer deur Mr. C. J. Malan. 'n Teenmosie waarin voorgestel is dat eers deeglik huis skoongemaak moet word voordat die mosie van Mr. Cachet met vrymoedigheid gesteun kan word het tot gevolg gehad dat die saak in al sy aspekte en skakeringe uitgepluis is en nadat beide voorstelle onder die soeklig is, is die mosie van Mr. Cachet met 'n oorweldigende meerderheid aangeneem. (Sien berig elders in hierdie uitgawe).

Hiermee wens die "Wapad" sy hartlike dank uit te spreek teenoor mnr. J. C. Potgieter vir die neem vanalle fotos van S.R.-lede wat in hierdie uitgawe verskyn.

*CALVINISTIESE SAAMTREK.

'n Groot saamtrek van Calviniste vind vanaf 28 September tot 1 Oktober in Potchefstroom plaas, en is gereel op inisiatief van die Teologiese Senaat. Daar sal o.a. lesings deur Prof. J. H. Bavinck gehou word, 'n verslag gelewer word deur die Potchefstroomse Universiteit insake sy werksaamhede en ten laaste sal daar ook afskeid geneem word van Prof. Bavinck. Die belangrikste agenda-punt is seer sekerlik die herdenking van die verskyning van die hersiene Afrikaanse Bybel wat op 29 September om 7.30 nm. in die Kerkgebou van die Gereformeerde Gemeente Potchefstroom-Noord, gehou word.

Na afloop van die saamtrek, vind die Kongres van die Afrikaanse Calvinistiese Beweging plaas. Die program is as volg:

30 September, 7.30 nm.: Opening Statute, ens.

1 Oktober, 9 v.m.: Lesing oor ons Persaktiwiteit deur dr. S. P. van der Walt.

3 nm.: Lesing deur Prof. W. J. Snyman oor "Ons Calvinistiese Aksie".



BOODSKAP VAN DIE NUWE S.R.-VOORSITTER:

Geagte mede-studente,

Ons staan aan die einde van 'n ander jaar, en tegelykertyd aan die begin van 'n nuwe werkjaar. Wat sal die toekoms vir ons inhoud? Sal ons voorspoedig wees, of sal ons teëspoedig wees? Dit is nie vir ons om te sê nie.

In die jaar wat verby is, het ons Universiteit groot verliese gely: Ons dink aan die afsterwe van Prof. Dr. B. J. de Blaek, in lewe Rektor van die Teologiese Skool; ons dink aan die afsterwe van Prof. Dr. J. D. du Toit, in lewe Hoogleraar aan die Teologiese Skool en later Kanselier van die Universiteit, 'n posisie wat hy bekleek het tot sy dood toe. Ons Universiteit het deur diep waters gegaan, maar ons berus in die wil van die HERE.

Ons het egter in die jaar wat verby is ook vreugde geken: Ons studental het die 1000-merk oorskry; 'n nuwe manskoshuis is in

Jan sê hy was . . .

1951: Vaandeldraer Korps V.V.

1952: Sekretaris A.S.B.
Sekretaris Administratiewe Bestuur.
Ondervorsitter Debatsbestuur.
Dirigent.

1953: Ondervorsitter A.S.B.
Add. lid Korps V.V., vert. S.R.

Sport: Tennis.
Algemeen: Hou baie van "Wine, Women and Song", veral van die "Wine" en die "Women".

KORPS GAAN PUBLISEER

Wil Calvinisme Bevorder

"Die werksaamhede van die Gereformeerde Studentekorps "Veritas Vincent" is op 'n skitterende wyse vanjaar afgesluit toe die bestuur van hierdie vereniging oorgegaan het tot die stigting van 'n publikasiefonds ter bevordering van die Calvinisme en Calvinistiese lewensbeskouing in ons studentegeledere en ons volk", was die woorde van mnr. P. J. W. Louw, saamroeper van die komitee, toe ons verslaggever hom in dier voege genader het.

Hierdie komitee ontvang jaarliks finansiële ondersteuning van die Studenteraad en hoop ook op donasies. Die fonds word dan beheer deur 'n komitee bestaande uit drie studente, 'n personeellid (tans dr. H. Coetzee) en 'n lid uit die belangstellende publiek (tans mnr Thiel).

In die reglemente van die Publikasiefonds is duidelik voorsiening gemaak dat die fonds nie sal doodloop nie en deeglike voorschot vir kontinuïteit in die komiteegeledere wat dit beheer, getref.

andag word die eerste vergadering byeengeroep en die lede is:
P. G. W. du Plessis,
P. J. Pelser,
L. S. van der Vyver,
Mnr. Thiel,
Dr. H. Coetzee,
P. J. W. Louw (saamroeper).

Op hierdie vergadering sal die komitee gekonstitueer word en 'n program van aksie opgestel word.

"Die stigting van hierdie fonds is klein, maar ons hoop en vertrou dat dit tot 'n groot onder-

neming sal groeiif wat Korps 'n saak sal gee om hulle voor te beywer, die Vereniging se lede sal aktueer en bowelal tot seën vir ons studentelewe en volk sal strek ter verheerliking van God Drieënig", het mnr. Louw afgesluit.

NUWE

HOOFREDAKTEUR.

Mnr. "Spottie" Minnaar is deur die Studenteraad aangewys as hoofredakteur vir "Die Wapad" vir 1954. Mnr. Minnaar het die afgelope jaar as Variaredakteur van "Die Wapad" op die redaksie gesien. Hartlik geluk.

HEIMAT WEN.

In 'n uitdaagwedstryd verlede Maandag moes Ons Huis se hokiemanne die knie buig voor Heimat. Die Heimatiote het die republiek van Ghatlandia die loef afgesteek met 'n oorwinning van 5 doele teen nul.

gebruik geneem; daar is begin met die bou van 'n Studentesaal, en nog heelwat ander dinge.

Maar nou moet ons verder voort op die weg van plig en harde arbeid. Die Studenteraad van 1954 is 'n jong Studenteraad, en ons voel ons klein om voort te bou op die fondamente wat die vorige Studenteraad gelê het, maar ons sal alles in ons vermoë doen om waardige opvolgers te wees van hulle wat voor ons baanbrekers werk gedoen het, en om die welvaart van ons studentegemeenskap en van ons Universiteit te bevorder; mag ons nooit in ons optrede die oorsaak wees om die vertroue, wat u as studente-massa in ons gestel het, en waarvoor ons u bedank, te skok nie. Mag ons altyd ons persoonlike belang op die agtergrond skuif, en tesame werk enstry vir ons Christelike beginsels en doelstellings.

Aan Mnr. V. E. d'Assonville wil ek in 'n paar woorde my hartlike dank oorbring vir die hulp wat hy my verleen het en seker nog sal verleen. Sy leierskap in 1953 is nou vir my, as ek daaraan terugdink, 'n bron van inspirasie en pragtige voorbeeld, wat ek sal trag om na te volg.

Aan Mej. S. J. E. van Schouw (Vervolg op bladsy 2, kolom 1.)

P.U. TE VELDE TEEN PORNOGRAFIE MOSIE AAN MIN. DONGES.

Tydens 'n massavergadering op Vrydag, 11 September, het die studente van ons Universiteit hulle uitgespreek teen alle vorms van pornografia. Sowat twintig sprekers het vir anderhalfuur die saak van alle kante belig.

Die mosie lui as volg:

"Die studentegemeenskap van die Potchefstroomse Universiteit spreek hom as 'n Calvinistiese gemeenskap beslis uit teen alle vorms van pornografia waar dit bots met die Christelike-etiese beginnels. Ons bied hiermee ons heelhartige steun aan die Minister van Binnelandse Sake in sy optrede in hierdie verband.

Die voorstel is ingedien deur mnr. F. N. Lion-Cachet en geskondeer deur mnr. C. J. Malan.

Dit is ons innige wens dat hy

Die Wapad.

DONDERDAG, 24 SEPTEMBER -953

Offisiële Studentekoorant van die P.U. vir C.H.O.

REDAKSIE.

Hoofredaktetur: D. F. Erasmus.

Sub-Redakteurs: D. v.d. Spuy (Sport); M. J. Strydom (Alg. Nuus); I. C. J. Minnaar (Varia); G. v.d. Berg (Kuns); Mej. L. Grobler (Algemeen).

Fotograaf: L. J. Potgieter.

Teg. Adviseur: A. J. R. Vermeulen

Administrasie: W. J. Sevenster (Voors.); J. Buys; R. Meyer; I. van Vuuren.

TEE-MOSIE, OF AMENDAMENT?

Op ons afslutings-„massavergadering“ het ons seker een van die vrugbaarste besprekings vir baie jare gehad na aanleiding van Mn. Frans Cachet se mosie om die regering te steun in hulle optrede teen pornografie.

Een saak staan vas: nie een student het hom op daardie vergadering uitgespreek ten gunste van pornografie nie. Almal was eens daaroor dat dit hand en tand bestry moet word.

Aan die ander kant het daar wel 'n deel van die vergadering die mosie geopponeer met die argument dat die studente nie die reg het om hulle daaroor uit te spreek nie as daar nog so baie onder hulle eie gelede is wat hulle self aan hierdie sonde skuldig maak. Met hierne argument gerugsteun, is 'n „teēmosie“ ingedien dat die studente hulle nie uitspreek alvorens ernstige reformatoriiese arbeid na binne verrig is nie.

M.J. kan hierdie teēmosie nie deurgegaan het as 'n teēmosie nie omdat hy in sy wese dit nie is nie. 'n Volbloed teēmosie sou min of meer gelui het: „Ons laak dit van ons huidige regering dat hy dit durf waag om pornografie te bestry aangesien dit in stryd met ons publieke vryheid is“.... ens.

In wese verskil die teēmosie wat ingedien is nie op een enkele punt met die mosie van mn. Cachet nie. Albei wil pornografie bestry!

Die vraag is egter: is die inhoud van die teēmosie 'n grond vir die verwerping van die mosie of is dit juis 'n grond vir die heelhartige aanvaarding in ondersteuning daarvan. Moet ons nie juis omdat hierdie lektuur so geweldig toeneem—ook in ons die studentegeledere—so 'n mosie stuur aan die Minister van Binnelandse Sake nie?

Dit sou 'n baie goeie oplossing vir die hele strydpunt gevees het as hierdie teēmosie as 'n amendment by die mosie gevoeg is sodat dit ongeveer soos volg gelui het:

„Die studentegemeenskap van die Potchefstroomse Universiteit spreek hom sterk uit teen die geweldige toename van pornografie in ons land en veral ook in ons volk se studentegeledere, daarom steun ons die regering heelhartig“.... ens.

Ten slotte kan ons van harte die hoop uitspreek dat nie een van die ondersteuners van die teēmosie, eintlik teen die saak wat die mosie voorstaan, was nie en die teēmosie dan ondersteun het as 'n slinkse wyse om die mosie skipbreuk te laat lei nie. Dit word genoem omdat enkeles wat nie daardie aand gepraat het nie, in die wandelgange hulle openlik teen die bestryding van pornografie uitgespreek het. Geen beskuldigings wil teen die opposisie van die mosie uitgespreek word nie, slegs die hoop dat almal wat die voorsteller en die sekondant in die besprekings gesteun het, net soos die voorsteller en die sekondant eintlik nie 'n teēmosie (in die volste sin van die woord) wou loods nie maar slegs 'n amendment in die oog gehad wat 'n „teēmosie“ genoem is!

PIERRE LOUW.

(Vervolg van bladsy 1, kolom 5.) wenburg en Mn. Ph. C. Snyman, wat al vantevore op die Studenteraad gedien het, wil ek vra om my reg te help waar ek verkeerd sal gaan, aangesien hulle volkom op hoogte is in verband met alle S.R.-sake.

Spesiaal wil ek aan Mn. P. J. Felsler 'n paar woorde rig: U tecnoordigheid as Ondevoorsitter op die Studenteraad is vir my 'n riem onder die hart, omdat ek weet dat ek in u 'n groot steunpilaar het. U breë kennis van administratiewe en ander sake sal altyd vir my 'n toevlug wees as ek nie meer weet waarheen nie. U is nou die ou vader op ons Studenteraad, en ek kan u verseker dat ons u as so danig sal aanvaar en respekteer.

Ek wil afsluit met die woorde: Laat elkeen van ons studente ons

volle krag ingooi in alles wat ons sal doen. Met die Bybel in die een hand en die werktuig in die ander, sal dit met ons wel wees. Laat ons steeds die oog op God gerig hou, en saam met die digter van Psalm 36 bely: „Want by U is die fontein van die lewe; in U lig sien ons die lig!“

(Get.) J. VISSER.

Bestel u MIELIEMEEL van

en

Verkoop u MIELIES aan:

**RENDEZVOUS
ROLLER MEULE
VILJOENSKROON.**

Posbus 21. Foon 100,

OORDENKING

Teksvers: Openbaring 3: 1(b):

*Ek ken jou werke, dat jy die naam het
dat jy leef en jy is dood.*

... So kenskets Christus die toestand in die gemeente van Sardis, een van die sewe gemeentes van Klein-Asië, 'n afgesonderde stad, menslik gesproke oninneembaar.

Oënskynlik gaan alles goed in Sardis want die gemeente is elke dag druk besig met hulle alledaagse arbeid. Sardis was bekend vir sy wewerry en skaapboerdery.

Alles gaan sy doodgewone slentergang.

Die omliggende gemeentes verkeer onder die vaste indruk dat die verkondigde evangelië hier op vrugbare aarde geval het. Hier is geen valse leraars en profete wat die werk van die ware dienaars bemoeilik nie.

Geen geloofsvervolging, of innerlike beroering soos wat die ander gemeentes ondervind het nie.

Nee . . . In Sardis is alles lie van Christus lewendig en met vreedsaam en rustig.

Sardis het die naam dat hy lewe. Selfs die heidene en Jode bemoei hulle geensins met die gemeente nie. Inteendeel, hulle verkeer op goede voet met die gelowiges.

Die gemeente is so toegewend, so tegemoetkomend, so vredelievend.

Hulle laat nooit 'n helder eisoortige klank hoor nie.

Niks onderskei hulle van die wêreld nie.

Godsdienis is mos iets van die binnekamer.

Andersdenkendes moet nie daarmee lastig geval word nie.

Die wêreld bevind hulle dan ook geensins hardkoppig wanneer beginnels of geloofsoortuigings in die gedrang kom nie.

Die heidene het hulle waardeer omdat hulle so verdraagsaam is. Geen rede om hierdie gemeente te hinder of lastig te val nie of te vervolgo nie.

In hulle rustige selfversekerdheid glo die gemeente dan ook dat hy leef. Geen growwe openbare sondes is bekend nie. Die barbmartighedsdiens word nagekom. Liefdadigheid word bewys. Uiterlik funksioneer die ampt normaal. Misken word die eredienste nog gereeld bygewoon.

Rustig gaan alles sy gang.

Solank die wolskeersel goed en die kleremark bestendig bly het die gemeente van Sardis nik te vrees nie.

. . . Besit ons as studente van hierdie Inrigting nie ook dieselfde valse gerustheid nie? Het ons nie ook net die naam dat ons lewe nie?

Is ons nie dalk ook heeltemal tevrede met onself wanner die wêreld buite onder die indruk verkeer dat alles met ons goed gaan nie?

Ons is mos so verdraagsaam, so vredelievend en konsiderend teenoor vreemde ideologië en gedagtes.

Ons moet ure lank redekawel voordat ons 'n helder klank in die buitewêreld kan laat hoor.

Die buitewêreld beskou ons mos as konserwatief en beginselvas omdat ons aan 'n Christelike Inrigting studeer; **Leef ons werklik** as daar in sommige manstudente se kamers vryelik drank vloe en as vloekwoorde en lastertaal weergalm deur die koshuisgange.

As „Skurwe“ en suggestieve praatjies en grappe aan die orde van die dag is. En les bes: As die X-klub floerer danksy die heelhartige ondersteuning van sommige mans en dames-studente.

Wat sal die oordeel van Christus oor ons wees?

Sal dit dieselfde wees as die Saradis nie: „Julle is dood?“

Want so lui die oordeel van Christus; 'n oordeel waarteenoor ons allermens onverskillig kan staan.

Julle is nie vervul met sprankelende lewenslus om die evange-

Ook nie met ons nie omdat God nog gedurig met Sy uitverkorenes bemoeienis maak.

Want al wat hierdie gemeente uit hulle sterwende toestand kan red is dat die stormwind van God se Gees deur hierdie doodvallei moet waai.

Hulle innerlike lewe moet weer begin gloei, dit moet weer brand soos 'n onuitblusbare vuur.

Die gemeente hoef nie weg te sink in stoflike onbenulligheid nie want hulle kan nog aanspraak maak op die onuitputlike rykdom van genade in Christus. Daarom word die gemeente opgewek om wakker te word. Nie net lomerig ontwaak en dan weer rustig in dommel nie. Nee hulle moet wakker word en gedurig wakker bly. Noot mag hulle ophou om wakker te wees nie.

Mag hierdie bevel van Christus ook tot ons spreek: „Word wakker en versterk die wat oorbly, wat op die punt staan om te sterwe“. Dan besit ons ook die belofte: „Wie oorwin, sal beklee word met wit klere, en Ek sal sy naam bly voor My Vader en voor sy Engels“.

Want as julle nie wakker word nie verklaar Christus: „sal Ek op jou afkom soos 'n dier en jy sal nie weet op watter uur Ek op jou afkom nie“.

J. H. BOOYENS.

VAN S.R. WEE

Op sy eerste vergadering van die nuwe werksjaar het die S.R. die volgende persone benoem in die verskillende posisies, en hulle word hiermee deur die S.R. baie geluk gewens:

Vreugdedag:

Leier: Mn. Johan Buys.
Onder-leier: Mn. Jack Strydom.
Sekr. Mn. I. C. J. Minnaar.

Pgm.: Mn. Hannes Els.

Geselligheidskomitee:

Voorsitter: Mn. D. F. Erasmus.
Sekr.: Mn. Dick Putter (jnr.).

Pgm.: Mn. Johann v.d. Vyver.

Non-off.-lede: Mej. Elise v.d.

Walt, Beppie Kes, Therese v.d. Merwe, Elmien Duvenage; Mnre. P. van Wyk, J. T. C. Snyman en Dirk Postma.

Die Wapad:

Hoofredakteur: Mn. I. C. J. Minnaar.
Sakebestuurder: Mn. J. H. (Tokkelok) v.d. Walt.

Die Pukkie:

Hoofred.: Mn. D. F. Erasmus.
Sakebestuurder: Mn. J. Kempen.

Die Besembos:

Hoofred.: Mn. J. P. Coetzee.
Sakebestuurder: Mn. J. A. (Spekkie) v.d. Walt.

Ontspanningskomitee:

Mnr. Ferdi Botha (convenor); Mej. Henna Theron;
Mnr. Charl Jooste,
Mnr. J. H. Coetzee.

Ontvangers van verlore goedere:

Mej. Linda Grobbelaar.
Mnr. Martyn Viljoen.

Mag al bogenoemde persone suksesvol wees in die werk wat op hulle rus.

In antwoord op 'n brief wat ontvang is van die Hoofbestuur van N.U.S.A.S. waarin hulle vra vir samesprekings tussen ons S.R. en die betrokke Hoofbestuur, asook die uitruil van artikels vir die studenteblaaie van die betrokke instansies, het die S.R. ons beginnels weer sterk beklemtoon.

Ons is naamlik nie onwillig tot samewerking nie, maar ons stel ons beginnels voorop as 'n baie sterk voorwaarde: ons kan nie

Aan alle studente wil ons langs hierdie weg 'n baie aangename vakansie toewens. Ons hoop dat u volkom sal uitrus, sodat u die eksamen wat voorlê vierkantig in die oë kan staar; ook aan ons personeellede wens ons 'n aangename rustydjie toe.

(Get.) J. VISSER,
(Voors. S.R.)

BLITZ DROOG-SKOONMAKERS

Die Afrikaanse saak vir Afrikaanse Studente.

Vir u gerief bestaan daar Ontvangs- en Afleweringsgeriewe in al u koshuse.

„BLITZ“—die woord vir DROOGSKOONMAAK. Nywerheidsgebied, Telefoon 789, Potchefstroom.

Gedruk vir die Redaksie van die „Wapad“ deur die Westelike Stem, 110, Kerkstraat, Potchefstroom.



MNR. P. J. PELSER,
Ondervoorsitter van die Studenteraad en Korps-verteenwoordiger, was in 1950 op die Administrasie van „Die Besembos”; in 1952 sekretaris van die Studenteraad; in 1953 voorsitter van Korps, addisionele lid van die Geselligheidskomitee, Voorsitter van die Koshuiskomitee en weereens lid van die Studenteraad waar hy Korps verteenwoordig het. Voorstuur van Korps vir 1954.



MNR. L. S. VAN DER VYVER,

A.S.B.-verteenwoordiger op die Studenteraad, was in 1952 Voorstuur van die Studiekomitee van A.S.B.; Redakteur, Filosofie, „Die Besembos”; Hoofred., „Spoorslag”; Direkteur van Publikasies en Publisiteit van die A.S.B.-hoofbestuur; vir 1954 gekies as voorstuur van Debat; Sekretaris, A.B.K.K.; add. lid, A.S.B.



MNR. J. H. VAN NIEKERK,

Penningmeester van die Studenteraad, het op die volgende besture gedien: 1953: Penningmeester, A.S.B.; Sekretaris van die Studiekomitee van die A.S.B.; Voorstuur van die Advertensiekomitee van Spoorslag; Penningmeester, Bofbal; Penningmeester, Wysgerige Vereniging; lid, A.B.K.K.



MNR. J. C. POTGIETER


Sekretaris van die Studenteraad, in 1951 sekretaris, Thalia; 1952: add. lid, Thalia; sekretaris, A.S.B.-Hoofbestuur; 1953: President, A.S.B.-Hoofbestuur; add. lid, A.S.B.; Voorstuur, Thalia; Studentelid, Musiekvereniging; Penningmeester, Wysgerige Vereniging; lid, A.B.K.K.



MNR. M. J. STRYDOM.

KORPS-verteenwoordiger op die Studenteraad, het op die volgende besture gedien: 1952: Sub-redakteur van die „Pukkie”, ondervoorsitter van die Regsvereniging; 1953: Nuusredakteur, „Die Wapad”; Redakteur, Geskiedenis en Regswetenskappe, „Die Besembos”; Sekretaris, Vreugdedaghoofbestuur; Ondervoorsitter, Regsvereniging; Hokkiekaptein; non-off., Krieket; lid S.S.B., en vir 1954 gekies as Sekretaris, Korps; Hokkiekaptein; lid, S.S.B.

„DIE WAPAD”—REDAKSIE EN ADMINISTRASIE 1953.



MNR. PH. C. SNYMAN,

A.S.B.-verteenwoordiger op die Studenteraad, het op die volgende besture gedien: 1950: sekretaris, A.S.O.; 1951: add. lid en later onder-leier van die A.S.O.; 1952: Voorsitter, orkesleier en teorleier, A.S.O.; Sekr./Pgm., Volkspelelaer; lid van die A.B.K.K.; 1953: Voorstuur en orkesleier, A.S.O.; Ondervoorsitter, A.B.K.K.; lid van die Studenteraad; vir 1954: Ondervoorsitter, A.S.O.; add. lid T.S.V.-bestuur; non-off., Hokkiebestuur; add. lid, A.S.B.-bestuur; Ondervoorsitter, Korps V.V.

Studente!!!

Vir al u

HANDBOEKE,
SKRYFBENODIGDHEDE,
LEERTASSE,
GESKENKE, ENS.

besoek ons en wees verseker
van goeie diens.

**UNIE-
BOEKHANDEL**
(Edms.) Bpk.

KERKSTRAAT 90.
Foon 497.

VIR—

Vis, Ertappels,
Verversings ens.

WELKOM KAFEE

Von Wiellighstraat 13,
POTCHEFSTROOM

Dis u kafee, Studente

J. TOD SUTTIE

KOMPLETTE

Mans-uitrusters

vir al u

KLERASIE EN ANDERE

BENODIGDHEDE.

Kerkstraat 127,

Posbus 219. Foon 1.

POTCHEFSTROOM.

Drink en Geniet

S & S

Super Dilla

en

Super Orange

Sherr & Shakinovsky

AUTO LAAN

Foon 16

KOM SIEN ONS

vir u

Fotografiese- en
Aptekersbenodigdhede

GEEN & VELLEMAN,

KING EDWARDSTRAAT,
POTCHEFSTROOM.

DIE STERRE VOORSPEL

deur "VIOLET".

Wintie van Niekerk. 'n Voorspoedige tydperk wag op u op die gebied van sleep en finansies. Die liefde kom slegs eenmaal in die lewe weergaloos. Moenie oorhaastig wees om op 'n vername ontstaal die „Ja-woord" te vra nie. U sal beheer aanvaar oor iemand se finansies. Soek u ou vriende en vriendinne op. U sal troos vind deur die vergaderings van ernstige geestelike organisasies by te woon. Vir u informasie.

Frans Stasie (via Cachet). Vermy lektuur op straat. U gaan iets in hierdie verband doen. 'n Skraal tydperk wag op u wat betrek tot manse. 'n Onverwagte voorstel deur u vriende voor 'n vergadering sal aan u 'n voorsitterstatus verleen. Hoër prysse van steenkool sal u affekteer. U sal dus twee spore trap.

Edna Kruger. U status sal verhoog, u sal self nie weet hoe nie. Dit, tesame met liefdesmanoevers sal u oornag tref. Hierdie duise-lingwakkende statusverhoginge sal u veel las van Sleepers besorg. Pasop vir klein dingetjies en kort goetertjies.

Dick Hautpfleisch. U gaan die eerste S.R.-lid wees met 'n stywe vinger. U beleef nog steeds 'n geldelike krisis. U behoort 'n diploma vir getroue bywoning van die Kinderkrans te ontvang. U sal u deel op P.U. ontmoet. 'n



Operasie aan u knieg sal beslis u aktiwiteit vir 'n geruime tyd op die lang baan stoot.

Stoffel de Beer: 'n Interessante week betreffende reise wag op u. Moet u nie bekommernoor die petrolovervoorraad nie; die eerstejaars sal stoot. Die huishoudkundige flater van 'n kok sal tot gevolg hê dat u siek word. U sal deelneem aan 'n "Pajama Parade". U gaan leer om konsertina te speel.

Salomie Erasmus. U sal oor 'n paar maande moontlik van woonplek verander. Delwersgeluk wag op u. Austins sal vir u geluk bring. As u van 'n preekstoel droom moet u weet dat die top-punt van u geluk werklikwaar op die horison verskyn het. Pasop vir inboorlinghoofde.

VRAE EN ANTWOORDE.

HOE OM OP TE HOU ROOK.

Rook saam met Charles Schlesinger Tom Toms en u sal na dese van die rookgewoonte ontslae wees..

SOEK U DIE MOOISTE SWART KRULHARE?

Besoek Fritz von Weilligh se modesalon iewers in Heimat.

WIL U 'N DON JUAN WEES?

Lees Windvoël se boek "How to be a heartbreaker".

SOEK U KOELTE VIR DIE WARM SOMERDAE?

Kom sien Khokot en hy sal u teen 'n billike prys 'n Igloo verskaf vir die somerhitte.

IS U GEPLA DEUR NAGMERRIES?

Besoek Oom Gutter se ryskool. Spore word gratis verskaf.

LY U AAN SLAAPLOOSHEID?

Wag tot die „Heimat Harmonizers" u kom serenade en u sal elke nag vas slaap met die vrees dat u dit weer sal moet aanhoor.

NUUS VANAF DIE UNIVERSITEIT TARRENTAAL

(Sentrum vir Ekspert Kettangslaner Onderrig).
deur KITTANGSLANER, K.MUS.
(KOP IN EEN MIS).

1. GRADE TOEGEKEN:

TKOKIE: B. Gittang met hoofvakke Kittangbegeerte en Olie-kunde.

WITBOOI: M. Kittang vir sy proefskrif „Klakies as opleidingsentrum vir jong Kittangslanners".

BOKSLAGTER: D. Kittang (cum laude) vir sy intensiewe stu-

die van die gewoontes en leefwyse van Kittangslaners asook sy boek "geskrywe in Sing Sing", "In Kettangs heel my lewe".

2. SPORTNUUS:

Die jaarlikse interketting teen die Universiteit Bokslagter is gewen met een Zoot tie en twee paar sandals. Hier moet weereens die naam van Witbooi genoem word vir sy reusewerk as breier. Alleen deur intensiewe olie van kettings en ondergrondse bedrywighede kan ons hier sukses behaal.

3. ALGEMEEN:

'n Skenkking van die "Encyclopaedia Kettangia" is aan ons biblioteek gedoen.

Vir die eerste kee in die geskiedenis is 'n Noord Kcreaan tot lid van die S.R. verkies..

Zontos is gekies tot lewenslang Keffie-eienaar van ons Unie.

Laastens ons hartlike dank aan die Olie Maatskappy vir die skenkking van vier gallon olie. Gewaarborg 100 piepvrye houe.

SAREL OOR MAGGIE LAUBSCHER SE „IMPRESSIONS"

Goudstraat,
Potchefstroom,
Dinsdag.

Beste Pukke,

Ek is ontsettend kwaad vir almal en billik ontstoke. Vies vir die Hoofred. van DIE WAPAD en in my lesers. Hoekom? Ja, vra hoekom! Ek kan mos nie help dat ek Sarel is nie en ok nie dat ek simpel is nie. En sal Oom Rassie dan nou nie so wrintig nou die dag vir my kom sê nie dat hy moeg is vir my stories nie. . . En waarom is ek vies en waarom teleurgestel? Omdat nie een van my beste vriende, die Pukke, eers 'n lansie gebreek het by Oom Rassie nie. Ek is mos simpel en ek is mos Sarel, en kan ek dit help? Ek kan nie. En hoe moes ek geweet het voor nou die dag dat dit nie 'n hoofartikel is wat ek skrywe nie as ek vir julle skrywe. Ek wis dit nie en nog altyd dink ek dat dit hoofartikels is wat ek vir julle skrywe.

Ek sê vrinne, nou lat dit weer somer worre, gaan daar weer duisende kyste breek, nie hieroor of daaroor nie, maar oorlaat dit nou warm genog is en nou raak die hieters weer uit die mode tot volgende winter.

So van mode gepraat, ek lees ook krante en ek weet ook wat die nuwe mode is: voor die oorlog het die klem op die kniekoppe gevall, later op die enkels, nog later op die kuite. Nou wonner ek wat die volgende gaan wees as dit nie gaan wees dat die klem op die kake val nie.

Nou die dag toe sien ek 'n swart koei, maar sy was eintlik bont; en daar was 'n witte ok, maar sy was oock bont. Dis glo 'n impressie. Ek weet nie wat laat die woord betekend nie, maar kyk maar in die groot woordeboek van Van Dalsen. Daar was 'n see ok tussen al die portrette met twee piesangskille op 'n berg. Dis seker ok 'n impressie want dit was groot skille gewees. Dit was nie regte koeie en skille gewees nie want dit was getekende impressies en party was te duur gewees om regte koeie te wees.

Met vamôre se pos het ek hierdie gedig ontvang van 'n jong digter. Hy sê hy wil nog 'n digter met opgang wees. Dit gaan so:

'n Klein liedjie wat spreek in swye,

'n Klein liedjie, 'n geheimjie net vir jou.

Ek moet dit vertel en net vir jou

Anders versink dit in vergeetle tye.

Ek het hieroor geen kommentaar nie, ek verwys dit na 'n kritikus. Al wat ek kan sê is dat dit ook seker 'n impressie sal wees.

Ek dink ek moet nou maar groet Pukke. Want ek sukkel al die afgelope uur om iets te skryf en ek weet nie wat om te vertel nie. Want ek is mos simpel Sarel en hulle noem my nou:

SIMPEL, SAREL

STEL U VOOR:

Koeka Fourie: As pastoriemoeder. Loutjie v.d. V.: in die "Foreign Legion".

Tjaar Kruger as Puk se verteenwoordiger op die V.V.O.

Bles Mitchell se motorfiets vir 'n dag lank rybaar.

Klein Human met Mej. Heine geklys.

Dok v. Dalsen as treindrywer.

Kenérie Mulder in 'n voëlhok.

Lenie Claassen wat alleen fliek.

Elsie Oosthuizen swyg 'n hele minuut.



Dina Venter per moeisame voetproses af dorp toe.

Watter man is nie lief vir 'n pragtige wélige snor nie? Mn. Wynand van der Linde besit die sleutel tot hierdie baie eenvoudige probleem van snorkwakery. Hy is as 't ware eintlik 'n ontoriteit op hierdie gebied en verskaf kennis gratis aan elke man bo 21. Sy kwalifikasies is o.a. die graad S.M.S.H. (Sy ma se Hoenderboerdery). Bel 0013 vir plekbesprekking as afsprake.

'n Pragtige gladde vel is onweerstaanbaar maar baie goedkoop verkrygbaar. Hiervoor is 'n gesigspap onontbeerlik. Die mees delikate en suksesvolle is koshuispampoen. Probeer gerus elke middag so 'n bietjie die eettaal uitdra. Plak dan elke aand voordat u bedoe gaan of gaan sleep dit liggies aan die vel en lê dan so roerloos op u bed. Neem dan 'n sagte stukkie goingsak en verwyder dit liggies. Gebruik 'n saamtrekmiddel in die vorm van koshüstee.

Sigarette is tog so geneig om lelike vlekke aan u hande te maak. Was u hande met Rooisous en hang dit dan buite in die son op om te droog.

VOOR VERKIESING



U HET HULLE VERKIES

AFRIKAANSE STUDENTE BOND.

Voorsitter: J. Visser.
Onder-Voorsitter: D. F. Erasmus.
Sekretaris: T. van der Walt.
Penningmeester: W. I. Duvenage.
Organiseerder: E. J. Smit.
Add. Lede: Mej. E. M. Botha,
Mej. A. D. Kruger,
Ph. C. Snyman,
L. S. van der Vyver.

KORPS VERITAS VINCET.

Voorsitter: P. J. Pelser.
Onder-Voorsitter: Ph. C. Snyman.
Sekretaris: M. J. Strydom.
Penningmeester: P. van Wyk.
Add. Lede: R. W. Impey,
Mej. F. O'Grady,
Mej. G. J. H. Snyman.

SENTRALE SPORT BESTUUR.

Voorsitter: W. A. Nel.
Onder-Voorsitter: D. K. de Jager.
Sekretaris: G. N. van den Bergh.

1. **KORFBAL:**
Kapteine: E. M. Botha.
Onder-Kapteine: S. M. van der Schyff.
Sekretaresse: A. E. du Randt.
Penningmeesters: A. S. Olivier.
Non-offisieel: A. S. Bekker.
J. D. van der Walt.
2. **DAMESHOKKIE:**
Kapteine: S. J. E. van Schouwenburg.
Onder-Kapteine: E. M. Botha.
Sekretaresse: E. C. Kess.
Penningmeesters: L. du Toit.
Non-off.: J. M. T. van der Merwe.
J. G. Theron.
3. **BOFBAL:**
Kaptein: W. A. Nel.
Onder-Kaptein: W. F. Steenkamp.
Sekretaris: P. M. van Niekerk.
Penningmeester: C. J. F. du Plessis.
Non-off.: F. J. Kokott.

4. **KRIEKET:**
Kapt.: R. P. Hauptfleisch.
Onder-Kaptein: W. I. Duvenage.
Penningmeester: C. J. F. du Plessis.
Non-off.: C. R. de W. Venter.
5. **TENNIS:**
Kaptein: D. K. de Jager.
Onder-Kapteine: Mej. Lessing.
Sekretaris: F. A. Botha.
Penningmeester: J. H. Els.
Non-off.: Mej. E. Kruger.
D. Postma.


6. **VOETBAL:**
Ere-President: S. du Toit.
Voorsitter: Prof. H. L. Swanepoel.
Onder-Voorsitter: Dr. I. J. van H. Fourie.
Kaptein: J. M. de Wet.
Onder-Kaptein: P. A. K. Brink.
Sekretaris: J. C. Strydom.
Penningmeester: J. J. A. Steenkamp.
Non-Off.: J. J. de Wet.

7. **BOKS EN STOEI:**
Kaptein: W. H. Myburgh.
Onder-Kaptein: J. J. Pienaar.
Sekretaris: J. J. du Toit.
Penningmeester: W. P. O. van der Merwe.
Non-off.: H. M. Swart.

8. **JUKSKEI:**
Kaptein: B. Olivier.
Onder-Kapteine: Mej. A. S. Bekker.
Sekr.-Penningmeester: P. J. Steyn.
Non-off.: Mej. E. O. König.
A. J. Coetzee.

10. **MANSHOKKIE:**
Kaptein: M. J. Strydom.
Onder-Kaptein: P. van Wyk.
Sekretaris: E. J. Smit.
Penningmeester: R. G. Marais.
Non-off.: Ph. C. Snyman.

11. **ATLETIEK:**
Ere-President: Prof. D. P. J. Smith.
Voorsitter: W. A. Nel.
Kaptein: G. N. van den Bergh.
Onder-Kaptein: W. I. Duvenage.
Sekretaris: C. W. A. Steyn.
Penningmeester: Mej. S. M. van der Schyff.
Non-Off.: Mej. A. E. du Randt.
W. F. Steenkamp.



HET U GEWEET DAT...

Jeannette Venter benoem is Mej. S.R. vir 1954?

Ansie van der Merwe nie meer die posbus vir pos vanaf Pretoria dophou nie, maar uitblink in die spel „Hoendervere“ oftewel Pluimbal?

Francina S. en Ina d. B. nie net pannekoek eet daar doer erens in Presidentstraat nie?

Lenie Claassen gekies is tot Mej. Thabajah as gevolg van haar ouheer se belangrikheid?

Thabajah die bakermat van ringtennis is? Wedstryde gedurende studietye gespeel word? Lidie Bekker die stigster, voor-

sister, afrigster, opsweepster, afsweepster, voorstaanster, stoelsister en organiserster daarvan is?

Lidie Bekker se dae net uit sewe uur bestaan, terwyl haar nagte tweemaal so lank is? Haar belangstelling veral gaan om ringtennis, sywurms, nagmaakte spinnekoppe en sprinkane? Haar meubels, beddens inkluis, altyd agterstevoor in haar kamer staan as gevolg van bevliegings en bevlogings wat somtyds wel tot normaal terugkeer?

ALGEMENE BESTUUR VIR KUNS EN KULTUUR.

Voorsitter: F. N. Lion-Cachet.
Onder-Voorsitter: T. van der Walt.
Sekretaris: L. S. van der Vyver.
Penningmeester: I. C. J. Minnaar.

1. **SKAAK:**
Voorsitter: T. van der Walt.
Onder-Voorsitter: P. J. Kruger.
Sekretaris: I. C. J. Minnaar.
Penningmeester: T. N. de Klerk.
Add. Lid: Mej. H. Rautenbach.

2. **VOLKSPELE:**
Leier: J. H. Coetzee.
Onder-Leier: Mej. C. H. Bosman.
Sekretaris-Penningmeester: J. van V. du Plessis.
Add. Lede: Mej. A. D. Kruger,
F. A. Botha.

3. **THALIA:**
Voorsitter: G. N. van den Bergh.
Onder-Voorsitter: A. J. du Plessis.
Sekretaresse: Mej. E. Kruger.
Penningmeester: J. B. du Plessis.
F.A.T.S.A.: Vereenwoordiger: J. van V. du Plessis.
Add. Lede: Mej. L. du Toit,
J. L. Aucamp.

4. **A.S.O.:**
Voorsitter: J. H. S. B. Gericke.
Onder-Voorsitter: Ph. C. Snyman.
Sekretaris: C. W. A. Steyn.
Penningmeester: F. A. Botha.
Add. Lede: E. C. Kess (mej.),
I. C. Kerpen (mej.).

5. **DEBAT:**
Voorsitter: L. S. van der Vyver.
Onder-Voorsitter: F. N. Lion-Cachet.
Sekretaresse: Mej. F. O'Grady.
Add. Lede: Mej. G. J. H. Snyman,
E. J. Smit.

6. **A.B.K.K.-LEDE:**
Alabama: J. H. S. B. Gericke, Mej. E. C. Kess.
Volkspele: J. H. Coetzee, Mej. C. H. Bosman.
Thalia: G. N. van den Bergh, Mej. E. Kruger.
Skaak: T. van der Walt, I. C. J. Minnaar.
Debat: L. S. van der Vyver, F. N. Lion-Cachet.

APOLOGIE.

DIE WAPAD teken hiermee apologie aan teenoor Mej. Nandi O'Grady vir 'n brokkie varia wat oorspronklik as geskrap beskou is maar wat deur die pers op eie inisiatief en sonder die goedkeuring van die betrokke variaredakteur asook die hoofredakteur in **DIE WAPAD** van 10 Sept. op bladsy 3, kolom vier geplaas is. Die betrokke spasie was oorspronklik deur 'n foto gevul wat deur Mr. V. E. d'Assonville sonder die medewete van die hoofredakteur uit laat haal is. Die pers het toe die gedeelte wat nie vir plasing bedoel was nie, geplaas. Hierdie varia sou nooit in druk verskyn het nie omdat gevoel is dat dit te persoonlik was. **DIE WAPAD** spreek die hoop uit dat hierdie saak nou in die reine gebring is. Get. D. F. ERASMUS, Hfred. I. C. J. MINNAAR, Variared.

Ondersteun 'n Oud-P.U.Kaner

J. P. V.D. WALT,

L.F.V.

KERKSTRAAT 111
(Langs Ackermans)

Foon 929,

POTCHEFSTROOM.

Ek voorsien ALLES wat van 'n Aptek verlang word.

DIE AFRONDING VAN U
INKOPIES

en

„WINDOW-SHOPPING”

is 'n besoek aan

**ANNELLAS
KAFEE**

oor 'n heerlike koppie

STOMENDE KOFFIE.

Probeer hierdie keer ons

**VIS EN ARTAPPEL-
SKYFIES.**

Eienaar:

D. M. VAN BILJON.

BROKKIES uit die KUNSWÊRELD.

NATURELLEBEELDE EN IMPRESSIONS UITSTAANDE

Daar is een ding van Maggie Laubscher wat 'n mens altyd aanlok en dit is die vermoë wat sy besit om 'n mens te bekooi met die aller eenvoudigste middels, — voorwaar al genoeg om haar roem te verseker.

Anders as die uitstalling van Pierneef het die skilderye van Maggie Laubscher nie haar hele ontwikkelingsgang getoon nie. Daar was slegs enkele van haar jongste werke tentoon gestel.

HERINNER SOMS AAN GAUGENE.

Onder die naastenby 35 skilderye was daar veral landskappe, figure en stillewes te sien in die volgorde van getalle, maar dit was veral haar figure wat die meeste aandag getrek het. Opvallend is die verskil tussen haar blanke-portrette en haar naturelle-studies. Waar dit blykaar haar doel is om portretstudies van blankes realisties uit te beeld, is die ekspressionisme in haar studies van naturelle baie opvallend. In hierdie oopsig herinner sy in geen geringe mate aan die Franse impressionis Gaugene se geestes.

Dat Maggie Laubscher baie waarde aan die uitdrukkingskrag van kleur heg blyk ook duidelik in haar studies. So het die „Figuur met groen kopdoek en blomme" 'helder pers lippe en wange.

Nog 'n opvallende kenmerk van haar naturelle is die besonder groot oë wat die besoeker nie maklik vergeet nie. Watter mysterie daaragtter skuil weet slegs die naturel en Maggie Laubscher.

WOLKE EN LUG.

Dit word van Pierneef gesê dat sy grootste uitdrukkingskrag in die lyne van sy wolke geleë is, maar die uitdrukkingskrag van Maggie Laubscher se landskappe lê ewewel in die kleure van haar lug en wolke. In haar landskappe word die hele atmosfeer saamgetrek in 'n geel, bruin, oranje, groen of pers lug. Haar wolke kan dreigend wees soos in haar „In Die Hooglande van Skotland", of strelend, of misterieus, of vormloos en byna ontploffend soos in „Landskap met Wilgers".

Dat so 'n sterk ekspressiewe kuns 'n intreke komposisie moet meebring is onvermydelik en Maggie Laubscher ontkom nie altyd aan die gevare en strikvalle daarvan nie.. Gevolglik is haar komposisie soms ongebalanseerd met te veel voorwerpe op verskillende vlakke, soos byv. in haar „Reier by Pink Water", maar dan weer is daar uitstekende kleurkontraste in die mistieke „Meidjie Met Ganse", en „Meid



jie Met Pers Rok".

Een van die beste werke op die tentoonstelling was sekerlik „In Die Hooglande van Skotland". Die pers wolk wat met die berg saamloop besit voorwaar sterk ekspressie, veral omdat dit taamlik sterk teen die pink heide afsteek.

„Aan die Baltiese See", die skildery wat in die hoofgebou se saal hang is soos „In die Hooglande van Skotland", 'n herinneringsbeeld. Hierdie is 'n tiepieise werk van Maggie Laubscher en die indruk wat sy van kleinhoeve-boerdery gekry het. Hoewel die werk as geheel weer eens ekspressionisties is, is daar veral wat die koring op die voorgrond betref van 'n impressionistiese styl gebruik gemaak.

Die sterkste skildery op die tentoonstelling was sekerlik die forse „Impressie van Tafelberg". Die lug is hier heldergeel waarteen die sombere swaar blou berg gesilhoeëtteer is. Die paar bewegingslyne in die skildery nl. die branders, loop almal met 'n punt na die berg en eindig in twee wit seile wat teen die berg uitsaan en bydra tot die grootsheid daarvan; werklik 'n monumentale impressie.

deur

GERT VAN DEN BERGH.

DIE WAPAD wil sy innige medelye betuig aan **Mnr. F. J. Labuschagne** met die afsterwe van sy vader op 1 September. Mnr. Labuschagne is van Steynsburg.

NOU VRA EK JOU.



Dacr is Koffie in die Kan . . .



Dit wil voorkom asof volkspel besig is om sy regmatige plek in ons kultuurlewe te verower. Die afgelope maand is nie minder as sewe saamtrekke op die rand en omstreke gehou nie. Twee hiervan het binne twee weke in Potchefstroom plaasgevind, waarvan een deur die P.U. se laer gereel is. Op die foto sien u hoe die neefs en niggies sierlik buig met „Jan Pierewiet...". Die foto is geneem deur Davy Robertson.



MEJ. E. KRUGER,

A.B.K.K.-verteenwoordiger op die Studenteraad, in 1952 sekretaris, Skaak; voorsitter, Griekse Vereniging; in 1953 voorsitter, Skaak; voorsitter, Griekse Vereniging; penningmeester, J.V.; en vir 1954: Voorsitter, Skaak; Onder-voorsitter, A.B.K.K.; sekretaris, A.S.B.

MNR. T. VAN DER WALT,

A.B.K.K.-verteenwoordiger op die Studenteraad, in 1952 sekretaris, Skaak; voorsitter, Griekse Vereniging; in 1953 voorsitter, Skaak; voorsitter, Griekse Vereniging; penningmeester, J.V.; en vir 1954: Voorsitter, Skaak; Onder-voorsitter, A.B.K.K.; sekretaris, A.S.B.



DIE WAPAD wens Mnr. Henrie Coetsee en Mej. M. van Rooy hartlik geluk met hulle onlangse verloving. Mag hulle bootjie gedie vaarwater van geluk invaar.

MNR. F. N. LION-CACHET,

A.B.K.K.-verteenwoordiger op die Studenteraad, was in 1952 sekretaris van die Geselligheidskomitee en voorsitter van die Werkverskaffingsburo; in 1952 addisionele lid op die Geselligheidskomitee, Onder-voorsitter van Skaak, en sekretaris van die A.B.K.K.; in 1953 voorsitter van die Debat, en voorsitter van die Studiekomitee van die A.S.B. en lid van die A.B.K.K. Is vir 1954 gekies as ondervoorsitter van die Debat, voorsitter van die A.B.K.K.



J. HEIDEMA

vir

FIETSE

EN

MOTORFIETSE

ELKE DAG VARS!

**TURKSTRA SE
BAKKERY**

BROOD en alle KOEKSOORTE

Raadpleeg ons vir

BRUIDSKOEKE

J. HEIDEMA

Kerkstraat 30,

(teenoor Geref. Kerk)

POTCHEFSTROOM.

IN DIE KOKKUNS-SENTRUM.



P.O.KANERS WIL P.U. SE KLEURBAADJIES DRA

Uit onder ander twee brieke wat die redaksie van DIE WAPAD ter hand gekom het blyk dat Normaliete wat aan die P.U. grade verwerf het etg ontvreden voel dat hulle nie die kleurbaadjie van ons universiteit mag dra nie. Die skrywer van die eerste brief beroer hom dan op die feit dat Normaliete op Pretoria wel die Tukkiekleurbaadjie kan dra en is blybaar net beraan oor die feit dat hy nie 'n kleurbaadjie van P.U. mag dra nie. Die ander skrywer vra egter nog meer. Hy dring aan op volle studenterechte. Hier volg 'n paar aanhalings uit genoemde brieke:

... Nadat ek die M.Educ. aan U.P. voltooi het, word hulle steeds deur my adverteer deur dat ek hulle kleurbaadjies draets wat ek veel graagter vir P.U. vir C.H.O. sou wou doen.

Alhoewel ek insien dat daar die reg nie aan ons toekom nie, soos dit byv. op U.P. teenoor die Normaal-studente gedoen word nie, voel ek tog jammer dat ons (P.O.K.-studente) in alle opsigte geken word as eertyds studente van P.U. vir C.H.O., dog ons nie kan uitleef as ware P.U.-studente of oudstudente nie.

... In elk geval, dit bly 'n

SLEPER GEVRA.

Soek 'n man om Sing-songstomme te sleep. Kan alleen gaan, maar voel nie te wel as ander so baie sleep nie. Hou van die gedruis van breinaalde in vergaderings maar het nog nie self 'n prys op die tentoonstelling verower nie. Kan nie dans of spyker nie, maar is gevillig om te leer. Ouere kan maar sonder kiekies aansoek doen.

„Miss Tarrentaal ofte net „Miss“.

onder en na kerktyd, hulle op straat begewe in die skamele kleding van slegs 'n kort kakiebroek en hemp, laasgenoemde wisselend van kakie tot helderrooi. Wat sou u so 'n verskynsel wat grens aan barbaarsheid noem? Ek kan nie dink aan 'n naam ongeurig genoeg om dit mee te noem nie. Ek kan slegs dit sê, dat selfs die primitiefste mens hom op sy feesdae, as hy hom dan nie behoorlik kleenie, dan tog ten minste sorg dat sy voorkoms volgens hulle gewoonte versorg is. Hoeveel te meer pas dit ons, Christene, om ons na behore te klee en welvoeglik te gedra? Want ek noem dit onwelvoeglikheid om op die dag van die Here onwelvoeglik gekleed te gaan.

Wat ek eintlik bedoel, meneer die Redakteur, is maar net dat dit nie onvanpas sal wees as die geagte here studente wat hier beskuldig word, vir hulself die eenvoudige reël neerlê (en toepas ook) wat in ons losieshuise in gebruik is, naamlik, dat niemand hom op Sondag in die openbaar (d.w.s. op straat of elders) sal beweeg sonder behoorlike kleding nie.

Ek dank u vir plasing.

Die uwe,
I. C. J. MINNAAR.

EERSTEJAARS NIE ONS REDDING NIE.

Piet Groblerhuis,
P.U. vir C.H.O.

Die Redakteur,
Die „Wapad“. Meneer,

Die eerstejaars, oftewel die „Redders van Puk se Prestige“ het blybaar nou skielik besluit dat hulle genoeg reddingswerk vir vanjaar gedoen het. Of dit na aanleiding van die artikel onder bovenoemde opskrif in verlede week se „Wapad“ was, kan ek nie sê nie.

Het die skrywer van hierdie artikel in die vorige Wapad missien opgemerk hoe min eerstejaar-dames daar op die onlangs gehoue verkiesingsvergaderings teenwoordig was? Om maar 'n voorbeeld te noem, die aand toe die A.B.K.K.-verkiesings gehou is was daar die hele aand nie meer as drie eerstejaardames teenwoordig nie.

Dit nie 'nlwessie dat hulle nie stemreg gehad het nie, daarvoor

het hulle mos die vergaderings te goed bygewoon, maar dis 'n bloot gebrek aan belangstelling. Di Senior dames het hierdie houding van die eerstejaars gladnie goedgekeur nie, en na die samestellende van die S.S.B. en die A.B.K.K. is hulle bymekaargeroep en deeglik tereggewys. Toe hulle by daardie geleentheid gevra is om van die nuut-gekose bestuurs'ede bestuurslede te noem, was meer as driekwart van hulle nie instaat

om dit te doen nie.

Nee-wat, vanjaar se eerstejaars, die ruggraat van die Puk, het slap geword. Hulle wag nou maar gretig saam met die oudames en OUHERE op volgende jaar se eerstejaars, wat hopelik in 1954 die Puk se prestige weer sal red.

Ek dank u vir plasing.
S. VAN SCHOUWENBURG.

PROMOSIE.

Oupa Gutter word van harte gelukgewens met sy benoeming as Dekaan van die Fakulteit Boskerkspykeritania. Die benoeming het eergisteraand omstreeks 11.30 plaasgevind.

ED. L. OOMS,

N.S.T.O., N.V.V.O. (Ned.)

OOGKUNDIGE



BRILSPESIALITEIT
OE-TOETS OP WETENSKAP-LIKE GRONDSLAG.

KERKSTRAAT 129
(Nasionale Bank-gebou)
Foon 980.

EIE OPTIESE SLYPERY.
Depôt: Carlzeiss-Jena.



MNR. P. VAN WYK,

Korps-verteenwoordiger op die Studenteraad, het alreeds op die volgende besture gedien: Penningmeester, Hokkie, 1951-1952; Vreugdedaghoofbestuur, 1952 en 1953; Onder-kaptein, Hokkie, 1953 en vir 1954; Penningmeester op Korps vir 1954.

ADVERTEER

IN DIE

„WAPAD“

„Rembrandt is easy on my throat“

TITO GOBBI
Beroemde Italiaanse Bariton

BESTUDEER HIERDIE FILTERKAART

1.

GOLDEN THROAT

Rembrandt se Golden Throat-filter met lagies watte tussen kreukelpapier. Breek die filter oop en kyk self.

2.

Sonder die watte tussen die lagies kreukelpapier, sou die rook reguit deur die papier'aë getrek word, sodat strale warm rook die long tref.

3.

Die Golden Throat-filter wat eksklusief deur Rembrandt gebruik word, gee koel, verspreide rook—geen teken van tolgrend nie!

Net Rembrandt het die „Golden Throat“-filter

STANDAARD GROOTTE 1/5 VIR 20. 3/6 VIR 50. VAN RYN-GROOTTE 1/9 VIR 20

Kopiereg

RFA.F.6

THEOS SPEEL MOOI VOETBAL

Theos het verlede Saterdag in hulle tweede laaste wedstryd van die seisoen, vir Garnisoen met 21 punte (3 doele, een drie en een strafskop) teen 12 geklop.

Met rustyd het die Universiteit se k'rels reeds met 18 punte teen 3 voorgeloop en dit is dan ook hoofsaaklik in die eerste helfte wat die Pukke vir spel uit die hoogste rakke gesorg het. Dit het voorgekom asof die Theosmanne 'n bietjie moeg geword het na rusyds.

Ons verneem uit betroubare bron dat ons eerstespan in 'n uitstekende kans sou gestaan het om die beker vir die mooiste voetbal te verower, as dit nie was vir die onaanskoulike spel wat die Pukke en die Pote as voorwedstryd vir die Wallabies gelewer het nie.



MEJ. S. E. VAN SCHOUWENBURG,

S.S.B.-verteenwoordiger op die Studenteraad, in 1952 Penningmeesteres van die Dameshokkieklub; 1953-1954 kaptein van die genoemde klub; lid van die Dames-Huiskomitee, 1953; S.R.-lid, 1953 en 1954; S.S.B.-lid, 1953-1954.



MNR. R. P.
HAUPTFLEISCH,

S.S.B.-verteenwoordiger op die Studenteraad. Krieketkaptein vir die seisoene 1952-1953, 1953-1954; Sekretaris van die Tennisklub, 1952; lid, S.S.B., 1953-1954.

INGRAM SE BOTTELSTOOR
INGEVOERDE
en
KOLONIALE
WYNSOORTE
en
SPIRITUALIEË

PRO REGE-PERS

BOEKHANDEL

en

ANTIKWARIAAT


vir al u

WETENSKAPLIKE BOEKE
EN SKRYFBEHOEFTES.

Telefoon 1164,

KERKSTRAAT 59.

„DIE WAPAD”
*Die
Swemseisoen
is hier*



Die swemseisoen is hier. Kyk net hoe geniet 'n paar van die swemtoesiaste die verfrissende koel water! Ja-nee, en na ons van Ferdi Botha die swimkaptein verneem voer die bestuur van die swimklub groot dinge in die mou vir die komende seisoen. DIE WAPAD verneem op goeie gesag dat Mej. Kriel alreeds genader is om as afrigster van die dames op te tree. Dusver is nog geen afrigter vir die mans benoem nie, maar die kaptein deel DIE WAPAD mee dat Mr. Ferguson van Boys' High School in die verband genader sal word. Daarbenewens het die bestuur reeds twee galas gegeel tot aan die einde van die jaar en word die stigting van 'n waterpolospan ook in die vooruitsig gestel.

Pukke word versoek om kennis te neem dat die dames op Maandae, Woensdae en Vrydae die swembad tot hulle beskikking het, en dat die mans op die volgende dae kan swem: Dinsdae, Donderdae en Saterdae.

Ons hou duim vas dat die huidige koue weer gou sal verdwyn om die hitte wat kom in die koue water te gaan trotseer.

„DIE EERSTE TOETS”.



ARCADIA
(oor Landbank)

HAARKAPPER-SALON

Kerkstraat 53,
POTCHEFSTROOM.

Van der Hoff-gebou (regoor
Landbank).

Dames- en Here-
Haarkapper.

Vir u volgende permanente
golwing besoek ons.

Foon 1269

SKOONHEID EN NETHEID
GEWAARBORG.
STUDENTE WELKOM.

P. W. BUYS

U verteenwoordiger van

REMBRANDT.

GIMNASTIF KSPAN NA KAMPIOENSKAPPE

Nege studente van die fakulteit van liggaamlike-opvoeding sal eerskomende Vrydag en Saterdag die S.A. - Gimnastiek-kampioenskappe te Pretoria deelneem. Hierdie span sal in die derde graads afdeling kompakteer. Die span bestaan uit Mej. A. E. du Rand, A. König, M. Kruger en M. Harmzen en Mnre. P. Pretorius, C. W. A. Steyn, W. Meyburg, W. Nel, en Mnre. Malan van P.O.K.

Die span is afgerig deur Prof. Dr. D. P. J. Smith en Mnre. I. J. Joubert.



MNR. W. A. NEL,

S.S.B.-verteenwoordiger op die Studenteraad, was in 1952 en 1953 kaptein van die Atletiekklub asook onderkaptein van die Bofbal-klub in 1953; Voorsitter van die S.S.B. vir 1954.

Op die meegaande foto sien u die blink gedagte van Mej. Hannatjie Beyers en Susan Postma hoe om die heerlikste snoeperye en koek te rangskik... en die resultaat? Niks minder as 'n voorstelling van die eerste toets teen die Wallabies nie. Hierdie voorstelling is 'n tydjie gelede in die Huishoudkundesentrum gehou. Mej. Beyers en Postma is albei finale jaar studente in B.Sc. huis-houdkunde. (Foto: Beyers Claassen).

EXCELSIOR

MEUBELS

KERKSTRAAT 132.

Foon 743.

KOM BESOEK ONS
EN OORTUIG USELF

VAN ONS

KWALITEIT

en

VERSKEIDENHEID
MEUBELS.

W. J. GROBBELAAR,
Mans- en Dames-

Haarkapper

Kerkstraat 97. Foon 330.

Probeer ons beroemde
JAMAL MASJIENLOOS PERM.

Bekwame Mans-afdeling.

Sigarette en Fantasie Goedere.

S.A.N.L.A.M.

J. L. M. VENTER,

Spesiale Verteenwoordiger
Noordbrugweg 3, Telefoon 1247,
Potchefstroom.